

開放文學 – 風花雪月 – 風月夢 自序

夫《風月夢》一書，胡為而作也？蓋緣餘幼年失恃，長違嚴訓，懶讀詩書，性耽遊蕩；及至成立之時，常戀煙花場中，幾陷迷魂陣裡。三十餘年所遇之麗色者、醜態者、多情者、薄倖者指難屈計，蕩費若干白銀青蚨，博得許多虛情假愛。回思風月如夢，因而戲撰成書，名曰《風月夢》。或可警愚醒世，以冀稍贖前愆，並留戒餘後人，勿蹈覆轍。有觀是書而問余曰：「此書分明是真，何以曰夢？」餘笑而答曰：「夢即是真，真即是夢。曰真即真，曰夢即夢。呵呵！哈哈！」

時在道光戊申冬至後一日，書於紅梅館之南窗。

邗上蒙人謹識